

天目中峯和尚廣錄卷第二十九

又九

參學門人北庭臣僧慈寂

上進

偈頌

寄同叅十首

本來成佛非他得不信分明是自欺一箇主

人翁既失萬生皮袋子難醫昇沉相續蟻旋

磨憎愛交纏象溺泥未肯懸崖親撒手不知

辛苦待何時

自從昔日昧天真掘箇無明窖轉深因業受

身身造業由心起境境生心輪回動是經塵

劫修證何曾惜寸陰生鐵秤錘牢把手莫教  
東海又平沉

修行須是用心真心若真時道易親迷悟二  
途端在我是非兩字莫隨人黃金猛與鑄肩  
脊白醭常教生口脣漆桶驕然施自脫心華

開發少林春

又九

法界何曾間自他見聞知覺眼中華衆生心

佛三無別煩惱菩提兩不差嚇你老爺臨濟

喝惑他兒女祕魔又低頭更擬求玄解十萬

程途未是賒

即心是佛佛惟心三際同時絕古今將佇思  
間駒過隙擬承當處鼠偷金柏盲快向聲前

領脫略難於句下尋早不立成男子志驢年  
方會芥投鍼

今古奔趨幾象龍禪禪直是心空二宗得

旨非南北五派歸根絕異同得馬還牛閒口

鼓燄凡鎔聖假神通苟非真實超玄者端的  
難教振祖風

即心是佛大家知涉境難教絕順違既悟且  
言無戒律不迷安得有貪癡閉門說路語何

直出戶親行步却遲故國苟非真到者萬般  
施設總非宜

如來禪與祖師禪一手猶分掌與拳既得髓  
時忘直指已拈華處喪單傳烏焉成馬全皆  
是黃葉爲金古亦然未具照空生死眼爭教

丈九

仰不愧龍天

相逢盡說做工夫謂做工夫何所圖不是坐  
忘消白晝豈應高臥守清虛多生憎愛情難  
遣積劫輪回業未除不做一回親斬斷空將  
名字掛江湖

十方聚會號同參半入叢林半住菴大法不明宜自譴靈源未透欲誰甘識田塞斷泥犁

穿心地熏開優鉢曇今日伊余容易別牛頭

自比馬頭南

示玄鑑講主二首

并引

雲南鑑講主知有教外別傳之旨越一萬八

千里而來西淵自相見至相別恰三載一日  
尋我客中夜話湖山間因舉宗門下數段陳  
爛葛藤不覺咬斷拶指臨別忽忽不欲徵其  
罪犯且放過一著異日抵匡廬而之故鄉却

不得出露醜惡被人呴罵而累及我也就以  
二偈贈之

狂心未歇爲禪忙萬八千程過遠方喪盡目  
前三頓棒揮開腦後一尋光陳年故紙渾無  
用今日新條亦頓忘見說雲南田地好異時

歸去坐繩牀

衲僧用處絕羅籠拶著渾身是脫空報破一  
塵如有旨撥開萬象覓無蹤德山焚疏情先  
死良遂敲門路已窮積劫塵勞忽吹盡黑龍  
潭下五更風

鴈蕩除夜

茅屋三間冷似冰灰頭土面十餘僧掃除自  
已閒枝葉不打諸方爛葛藤就手揭開新歲  
曆和光吹滅舊年燈頂門別具摩醯眼越死  
超生似不曾

夢幻泡影總頌五首

夢中做夢日悠悠究竟何嘗有斷頭槐國既  
無分晝夜漆園那復論春秋半窓月吐三更  
影一枕風含萬古愁不識有誰曾獨醒揭開  
宇宙縱雙眸

幻本非生非不生實無而有政縱橫纖塵靡  
積乾城聳消滴那容談水傾火宅長年機未  
息雪山午夜道初成謾將凡聖間分別把手  
同歸一路行

泡因雨點激平川脫出規模顆顆圓條有忽  
無彰起滅隨成即破示抽添山河密裏虛玄  
轂法界深藏空寂圈却笑幾多兒女戲重重  
撲碎又依然

影子從來不離身惟於光外獨分真日中疾  
走誠難避水底深探豈易親三界昇沉蹤已

舊四時遷謝跡方新古今多少英靈者曾不

遭迷有幾人

三界何人得暫離六如處處未相違捕風吹  
網人皆笑逐色隨聲自不疑惑所以深知幾  
劫墮之又墮更多時不能彈指超無學擬剔

眉毛已是遲

贈營壽藏

斲斷雲根闢古基粉牆低護石樓危既知身  
後有終日肯信目前無了時夜雨一窓蠶課  
繭春風千里燕嘶泥到頭共熟黃梁夢哭送

斜陽欲恨誰

次韻答盛秀才

風月何緣事苦吟擬將英譽壓雞林幾回立  
盡三更月一字搜空萬劫心夢裏忽驚雷入  
鬢梅邊不覺淚沾襟可憐半世聰明種廿載

浮詞又陸沉

送禪者歸鄉二首

直下本來無一事謂言無事早相欺輪回不  
翹三千劫履踐何拘十二時竹筍引泉聲滴  
滴松窓來月影遲遲市朝見說黃金貴誰買

青山種紫芝

湖海俄經三十年無端一念憶生緣夢中復做還鄉夢禪外重參逆旅禪踏碎暮雲投古寺衝開積雪望炊煙狂心未向機前歇溢目

家山轉棄捐

船居十首 己酉舟中作

水光沉碧駕船時疑是登天不用梯魚影暗隨蓬影動鴈聲遙與橹聲齊幾回待月停梅北或只和煙繫柳西萬里任教湖海闊放行收住不曾迷

人在船中船在水水無不在放船行鷺塘狹

處拋篙直荻岸深時打棹橫千里溪山隨指顧一川風月任逢迎普通年外乘蘆者未必曾知有此情

大厦何知幾百間爭如一箇小船閒隨情繫纜招明月取性推蓬看遠山四海即家容幻日炙與風吹

質五湖爲鏡照衰頰相逢順逆皆方便誰暇  
深開佛祖關

家在船中船是家船中何物是生涯檣裁兔  
角非干木繩繫小龜毛不用麻水上浮漚盛萬

斛室中虛白載千車山雲溪月常圍繞活計

天成豈自誇

一瓶一鉢寓輕舟溪北溪南自去留幾逐斷  
雲藏野壑或因明月過滄洲世波汨汨難同  
轍人海滔滔孰共流日暮水天同一色且將

移泊古灘頭

散宅浮家絕所營閑將行色戲論評煙蓑帶  
雨和船重雲衲衝寒似紙輕帆飽固知風有  
力柁寬方覺水無情頭陀不慣操舟術幾失  
娘生兩眼睛

爲問船居有底憑渾無世用一慵僧拋綸擲

釣非吾事舞棹呈橈豈我能轉柁觸翻千丈  
六九  
雪放蒿撐破一壺冰從教纜在枯樁上恣與

虛空打葛藤

懶將前後論三三端的船居勝住菴爲不定  
方真丈室是無住相活伽藍煙村水國閑晨

供月浦華汀放放參有客扣舷來問道頭陀

不用口喃喃

船無心似我無心我與船交絕古今漚未發  
時先掌舵岸親到處不司鍼主張風月蓬三葉  
彈壓江湖艤一尋來來禪河遊殆遍話頭

從此落叢林

山居十首 六安山中作

曾中何愛復何憎自愧人前百不能旋拾斷雲修破衲高攀危磴閣枯藤千峯環繞半閒屋萬境空闊一箇僧除此現成公按外且無

佛法繼傳燈

三尺茅簷聳翠岑去城七十里欹欹誰同趣  
入忘賓主我自住來空古今雪磽有聲泉眼活  
兩崖無路蘚痕深爲言海上參玄者菴主癡  
頑勿訪尋

行脚年來路轉多爭如縛屋住巖阿有禪可

行脚年來路轉多爭如縛屋住巖阿有禪可  
悟投塵網無法堪傳逐世波偷果黃猿搖綠樹  
嚙華白鹿卧青莎道人喚作山中境已墮清虛  
物外魔

觸處逢山便做家祗緣甘分老煙霞盧都脅

觜生青礫荔苴形骸上白華四壁光吞蓬戶

月一瓶香熟地爐茶苟非意外相知者徒把  
空拳豎向他

數朵奇峯列畫屏參差泉石暢幽情青茅旋  
墮尖頭屋黃葉頻煨折脚鐺雲合暮山千種  
態鳥啼春樹百般聲世間出世間消息不用  
安排總現成

一住空山便廝當兩忘喧寂與閑忙但聞白  
日銷金鼎不見青苔爛石牀印破虛空千丈

月洗清天地一林霜客來不用頻饒舌此事

明明絕覆藏

閒雲終日閑柴扉海上同參到者稀白髮不  
因裁後出青山何待買方歸搜簾諗老殺深  
穿雜髮曾郎墮險機要覓住菴人住處擬心  
難免涉離微

見山渾不厭居山就樹誅茅縛半間對竹忽  
驚禪影瘦倚松殊覺老心閒束腰懶用三條  
箋知己誰參一字關幸有埋塵靴子在待磨  
成鏡照空顏

頭陀真趣在山林世上誰人識此心火宿篆

盤煙寂寂雲開窓檻月沉沉崖巒有岫長生  
畫瀑響無絃太古琴不假修治常具足未知  
歸者謾追尋

千巖萬壑冷相看不用安心心自安識馬乍  
文九教離愁廻情猿難使去玄潭竹煙遙屋蒲籠  
客松露沉空毳衲寒此意山居人未委未居

山者更無端

水居十首

東海州作

道人孤寂任棲遲跡寄湖村白水西四壁煙  
昏茅屋窄一天霜重板橋低驚濤拍岸明生

滅止水涵空示悟迷萬象平沉心自照波光  
常與月輪齊

水邊活計最天然物外相忘事事便門柳每  
招黃蝶舞岸莎常襯白鷗眠雨蒸荷葉香浮  
屋風櫳蘆華雪滿船不動舌根談實相客來

何必豎空拳

縛箇茅菴際水涯現成景致一何奢野塘水  
合魚叢密遠浦風高鴈陣斜道在目前安用  
覓法非心外不須誇一聲鐵笛滄波裏煙樹  
依依接暮霞

年晚那能與世期水雲深處分相宜茭蒲繞屋供晨爨菱藕堆盤代午炊老岸欲墮添野葑廢塘將種補新泥無心道者何多事也要消閒十二時

天涯深處寄幽棲聞見天真分外奇一枕香

九

吹紅菡萏四簷光浸碧琉璃繞圍雲水盈千

衆爛嚼虛空遣二時幻住叢林無間歇苟非

同道欲誰知

雲漫漫又水漫漫新縛茅龕眼界寬儘有池塘堪著月且無田地可輸官四時風味人誰

得萬頃煙波我自觀却恐客來爲境會閉門收在一毫端

住箇茅菴遠市塵東西南北水爲鄰風休獨露大圓鏡雪霽全彰淨法身波底月明天不夜爐中煙透室常春閒將法界圖觀看心眼

空來有幾人

水中圖畫發天藏不到無心孰可當雪谷春深沉玉髓冰壺夜永泛銀漿洞然圓湛融三際廓爾淨明空八荒縛屋且依如是住難將消息寄諸方

水國菴居最寂寥世途何事苦相招去村十里無行路隔岸三家有斷橋數點鴉聲迎暮雨一行魚影漲春潮陳年佛法從教爛<sup>宣</sup>是

頭陀懶折腰

極目瀰漫水一方水爲國土水爲鄉水中縛屋水闊繞水外尋蹤水覆藏水似禪心涵鏡像水如道眼印天光水居一種真三昧只許

水居人廝當

鄧居十首計梁作

古稱大隱爲居鄧柳陌華衢間管絃畢竟色

前無別法良由聲外有單傳錦銜破曉鳴金鞚繡巷迎春擁翠鉢覩面是誰能委悉茫茫隨逐政堪憐

綠水青山入眼塵心空何物可相親既無世務堪隨俗却有鄧居最逼真月印前街連後巷茶呼東舍與西鄰客來不用論賓主蒙縛橫斜滿屋春

足跡無端遍海涯現成山水不堪誇市鄧既可藏吾錫城郭何妨苦我家四壁虛明連棟月數株紅白過牆華兒聞不假存方便只廢

隨緣遣歲華

山居何似我鄧居對境無心體自如手版趣  
傾樓上酒腰鈴急送鋪前書沉沉大夢方純  
熟擾擾虛名未破除白日無營貧道者草深  
門外懶薅鋤

起滅循環事若何萬般粧點苦娑婆榮膺廊  
廟三更夢壽滿期頤一剎那翫月樓高門巷  
永賣華聲密市橋多頭陀自得居鄧趣每笑  
前人隱薜蘿  
鄧市安居儘自由百般成現絕馳求綠崧紫

芥擋街賣白米青柴倚戶收十二時中生計  
足數千年外道緣周苟於心外存諸見文  
驢年會合頭

山根水際我嘗諳特地移居逼閑籃人影紛  
紜方雜沓市聲撩亂政沉酣千樓燈火爲標  
準萬井笙歌作指南却喜頭陀忘管帶無邊  
法界是同參

山居却似苦無緣既不居山學隱鄧新縛蒲  
團侵市色旋移禪板近人煙庭華日暖藏春  
鳥櫛樹風高噪晚蟬一鉢普通年外雪與誰

同共潤心田

鄙居不費買山錢溢目風光意自便逐日驛  
驅蹄踏踏弄晴蝴蝶翅翩翩見忘境不須頻  
遣執謝心常合本然如是住來知幾劫難將

消息與人傳

市鄙十築道何親物物頭頭契本真微有得  
心魔所攝擬存住念鬼爲鄰招提禁夜鐘聲  
近閭巷催年鼓吹頻三世如來諸法相一回

新又一回新

次韻潘王題真際亭

高亭結構標真際體共雲林一樣間山勢倚

天忘突兀水聲投澗自潺湲伽陀迥出言詞  
外海印高懸宇宙間佇着凭闌人獨醒又添  
公案入禪關

雙髻峯有懷

高峯和尚初  
拘菴於此

雙髻雲深古道危不來夜半扣柴扉六年底  
事成遺恨寂寞空山啼子規

題佛母堂

熱鐵洋銅地獄坑禍胎今日又重生黃梅山  
下人無數誰解門前掉臂行

雪竇送友

子規啼血染山華  
拄杖頭邊興轉賒  
眼底迢迢皆客路  
草鞋今夜脫誰家

贈桃溪法華經會

一會靈山曾見不聲前句後大九莫輕酬碧桃溪

上三更月龍女明珠夜不收

贈鐵山道人禮補陀

腳跟下鐵山萬仞眼睛頭白浪千尋不於這

裏承當去更要重參觀世音

送澄上人之江西

大江西去水無垠澄不清芳攬不渾一吸直

教乾到底莫將消滴上人門

題廬山佛手巖

清淨身中金色臂柱廬疊疊曉雲開爲人隻  
手無伸處且聽勞生空望崖

勾者堂失火就死者數人

乞兒男女苦相煎搜得無明火現前一夜渾

家都喪却死枯體上不生煙

題十六尊者揭厲圖

十六高人去就輕天台南嶽任縱橫不知著

甚麼死急箇箇拖泥帶水行

次韻酬李仲思宰相四首

晴雲萬疊裏羣山崖瀑千尋落樹間定裏驚

傳王駕至愁應來奪老僧閒

歸鞭未舉且婆娑平地須知險處多休把世

間名字相累他巖穴病頭陀大大十三

物我遷流興未疲正圖誇勝與稱奇逝多林

裏真慈父也把空拳嚇小兒

機裏藏機復見機秋霜點點透征衣話殘夜

壑三更月又約天雲擁毳歸

晦室

千燈不照六窓寒光影俱忘始解看三萬二

千人去後至今門戶黑漫漫

逆流

出源便遇打頭風不與尋常逝水同浩浩狂

瀾翻到底更無涓滴肯朝東

藏山

等閒掇轉太虛空百億須彌不露蹤盡大地

人尋不見是誰收在一塵中

送空藏主禮高峯和尚塔

三尺毒蛇潛古洞一堆白骨鎖寒雲石樓夜

半關猶啓只待衙冤負屈人

贈鄱陽裁衣李生

番水一條生白線廬山半幅舊青羅李生提

我袈裟角補得渾倫不久多

客中聞計

計音遺我客牀頭話到輪回鬼亦愁肉眼未

空今古夢滿天霜月曬枯體

太古

七日莊周才鑿破百千諸佛未投胎衲僧一

箇間名字端的親從那畔來

次韻酬馮海粟待制四首

無言童子拂香臺報道長沙學士來爛煮橘

皮砂罐冷幾年生意喜潛回

雄談博辯振玄音莫把黃銅喚作金脫略語

言文字外方知佛祖只傳心

西天目頂望錢塘佛與衆生共一航六月火

雲飛白雪是誰觸熱是誰涼

瓦爐燒盡柏根香筆債何須苦用償幸有頓

空文字在披衣終日坐茅堂

別友十首

色空明暗遮雙眼地水火風周一身八萬四  
千間妄想江南江北幾多人  
世有百千間日月人無一點好身心知他爲甚  
忙邊事添得茫茫業海深

一死由來對一生了知迷悟不多爭如何滿  
地裁荆棘白日青天沒路行  
千里路行千里馬一重山隱一重人都緣昧  
却從來底日夜紛紛覩六塵

佛與衆生共一家了知法性等無差何緣白

日隨他去特地新裁眼山華

世間只是許多事更要如之與若何盡大地  
人剛不省前婆婆又後婆婆

烏兔兩丸虛跳躡象龍千里謾追尋誰知優  
鉢囊華種當處出生無古今

十方世界鐵渾<sup>火九</sup>侖順橫開不二門更向是  
非中薦取何妨無佛處稱尊

憎愛是非情易簪山河大地跡難收故鄉人  
寄并州剪拈起虛空也斷頭

十虛圓裏一升天這裏何曾異那邊勿謂去

來無管帶道人行處合如然

天目中峯和尚廣錄卷第二十九

音釋

窖 古孝謹 話戰切 膏 即古切進船  
鑿 突者 鍼 突者 艮也 壴 器似槳而長  
巖 不正貌 突 突者 艮力瓦切 簾 莫結切  
覩 初覩 突 突者 艮側下切 簾 竹筠也  
瞷 切瞷 突 規切 登 正作燈 丁 鄧  
草也 去因 規 突也 鞘 突呼高  
瞷 規也 鞘 突也 鞘 突呼高  
瞷 突也 鞘 突也 鞘 突呼高

永樂北藏

天目中峰和尚廣錄

第一五七冊